

**61. þing Sundsambands Íslands
Íþróttamiðstöðinni í Laugardal
6. og 7. mars 2015**

Pingskjal nr: 2013 – 15b

61. þing Sundsambands Íslands haldið í Íþróttamiðstöðinni Laugardal 6. og 7. mars 2015

samþykkir að fella stjórn að setja nýja reglugerð fyrir AMÍ sem byggist á meðfylgjandi tillögu. Reglugerðin taki gildi fyrir AMÍ 2015. Jafnframt samþykkir sundþing að fella UMÍ út úr Atburðadagatali SSÍ.

1. grein

Aldursflokkameistaramót Íslands – AMÍ skal haldið árlega í júnímánuði.

2. grein

Mótið er haldið í 25 metra laug. Stjórn SSÍ tilkynnir skipulag mótsins og mótsstað á atburðadagatali í upphafi sundárs. Þá daga sem mótið fer fram er óheimilt að stofna til annarrar sundkeppni á vegum sambandsaðila SSÍ.

3. grein

Lágmörk á Aldursflokkameistaramótið eru ákveðin af stjórn SSÍ að fenginni tillögu frá ÍSS, Íslenska sundþjálfarasambandinu. ÍSS skilar tillögum sínum um lágmörk á AMÍ ekki síðar en í lok júní fyrir næsta AMÍ á eftir. Skili ÍSS ekki tillögum gerir landsliðsþjálfari tillögu til stjórnar SSÍ, um lágmörk fyrir mótið. Stjórn SSÍ birtir lágmörk í upphafi keppnistímabils.

Lágmörk skulu gefin upp í hverjum flokki fyrir sig, sjá flokka í gr. 4.

Lið sem eiga færri keppendur á AMÍ, en fjóra, mega sækja um að bæta við keppendum óháð lágmörkum á AMÍ þó þannig að heildarfjöldi keppenda þeirra félaga verði ekki fleiri en fjórir. Þeir keppendur sem þannig fá keppnisrétt á AMÍ mega synda allt að þrjár einstaklingsgreinar að eigin vali. Þeir keppendur á AMÍ sem ná lágmörkum í færri greinum en þrem mega velja sér greinar til viðbótar án lágmarka til að ná keppni í þremur einstaklingsgreinum. Umsókn um slíkt skal berast 15 dögum fyrir upphaf móts.

Hver keppandi má synda að hámarki sex einstaklingsgreinar.

4. grein

Aldursflokkameistaramót Íslands AMÍ er aldursskipt meistararamót í sundi þar sem keppt er beint til úrslita. Aldursflokkarnir eru:

<i>Aðaltillaga</i>	<i>Varatillaga</i>
10 ára og yngri	10 ára og yngri
11 ára	11-12 ára
12 ára	13-14 ára 15-17 ára
13 ára	18 ára og eldri.
14 ára	
15 - 17 ára	
18 ára og eldri.	

Sundfólk 10 ára og yngri taka ekki þátt í keppni um aldursflokkameistara einstaklinga.

5. grein

Aldursflokkameistaramót Íslands er stigakeppni félaga. Tveir hröðustu sundmenn félags í hverri grein og árgangi að 14 ára aldri og í hverjum flokki frá 15 ára taka stig fyrir félagið. Stig eru gefin miðað við sætaröð í árgöngum og flokkum og reiknuð þannig að fyrir fyrsta sæti eru gefin 8 stig, fyrir annað sætið 6 stig, fyrir þriðja sætið 4 stig, þá 3 stig, 2 stig og 1 stig þannig að 6 bestu í greininni í hverjum árgangi og flokkum hljóti stig. Stigagjöf fyrir boðsund er tvöföld á við einstaklingsgreinar en er miðuð við aldursflokkana 12 ára og yngri meyjar og sveinar, 13-14 ára telpur og drengir og 15 ára opinn flokkur. Einungis ein sveit frá hverju félagi getur tekið stig í hverjum aldursflokki. Verði félög jöfn að

61. þing Sundsambands Íslands
Íþróttamiðstöðinni í Laugardal
6. og 7. mars 2015

Pingskjal nr: 2013 – 15b

stigum í heildarstigakeppni félaga skulu stig gefin fyrir boðsund ráða sæti félagana. Verði félög þá ennþá jöfn að stigum skal hlutkesti ráða röð félaga.

6. grein

Á AMÍ skal veita verðlaunapeninga fyrir fyrsta til sjötta sæti í einstaklingskeppni í áður nefndum flokkum. Sá Íslendingur sem á besta tímum í greininni miðað við áður nefnda flokka hlýtur sæmdartitilinn Aldursflokkameistari Íslands í þeirri grein. Í boðsundum skal veita verðlaun fyrir fyrsta til þriðja sætið í aldursflokkunum 12 ára og yngri, 13-14 ára og 15 ára og eldri. .

Afreksverðlaun einstaklinga eru veitt þeim íslenskum keppendum sem ná bestum saman- lögðum árangri í tveimur greinum samkvæmt stigatöflu FINA í flokki pilta og stúlkna. Í flokki drengja og telpna eru teknar þrjár stigahæstu greinarnar og í flokki sveina og meyja skal reikna árangur úr 200 m fjórsundi, 400 m skriðsundi ásamt stigahæstu grein þar fyrir utan.

Allir sem taka þátt í mótinu 12 ára og yngri fá sérstaka viðurkenningu fyrir þátttöku sína.

7. grein

Greinaröðun og hlutar:

Dagur 1	Dagur 3
Hluti 1	Hluti 5
1500 Skrið	100 Bak
Hluti 2	400 Skrið
800 Skrið	Hluti 6
400 Fjórsund	100 Bringa
Boðsund	50 Skrið
Dagur 2	200 Bak
Hluti 3	200 Fjórsund
200 Bringa	Boðsund
400 Fjórsund	Dagur 4
Hluti 4	Hluti 7
100 Skrið	100 Flug
200 Flug	200 Fjórsund
400 Skrið	Hluti 8
Boðsund	100 Fjórsund
	200 Skrið
	200 Skrið
	Boðsund
	10x50 skrið mixed boðsund

Í 10 x 50m blönduðu boðsundi má hvert lið hafa að hámarki tvo sundmann af hvoru kyni 15 ára eða eldri. Ekki eru settar takmarkanir á fjölda sundmanna úr öðrum aldursárgöngum. Félög sem ekki ná að setja saman blandaða boðsundssveit í þessari grein mega sameina krafta sína við önnur félög. Í boðsundum má synda upp fyrir sig í aldursflokki að því tilskyldu að boðsundssveitir séu skipaðir tveimur einstaklingum úr réttum aldursflokki hið minnsta í flokkum 12 ára og yngri og 13 til 14 ára. 15 ára og eldri synda sem einn flokkur í boðsundum. Félögum er heimilt að hafa sundfólk í boðsundssveitum sem ekki hafa náð einstaklingslágmarkum á AMÍ, en það verður að uppfylla aldurstakmarkanir. Boðsundssveitum skal skipað á brautir miðað við stigastöðu félaga þegar kemur að boðsundsgreinum dagsins.

61. þing Sundsambands Íslands
Íþróttamiðstöðinni í Laugardal
6. og 7. mars 2015

Þingskjal nr: 2013 – 15b

8. grein

Þátttökurétt hefur allt sundfólk sem skráð er í íslensk sundfélög og uppfylla skilyrði sem um getur í 3. grein hér að ofan. Að auki eiga íslenskir ríkisborgarar búsettir erlendis skráðir í félög erlendis þátttökurétt á mótinu í samræmi við reglur ÍSÍ og SSÍ um keppnis- og þátttökurétt. Stjórn SSÍ getur boðið erlendum félögum/sundmönnum til þátttöku í mótinu en gestir taka ekki verðlaun á mótinu nema SSÍ ákveði sérstök verðlaun fyrir erlenda sundmenn. Þeir keppendur sem þannig koma til keppni á AMÍ, keppa ekki um afreksverðlaun á mótinu.

Erlend sundfélög geta ekki tekið þátt í stigakeppni félaga.

9. grein

Tækni- og starfsmannafundi skal halda samkvæmt gildandi reglum SSÍ á hverjum tíma.

Greinargerð

Tillagan er frá Sundráði ÍRB.